



QUÆSTIO MEDICA.

QUOD LIBETARIIS DISPUTATIONIBUS
manè discutienda in Scholis Medicorum, die veneris
septimâ Decembris.

M. ALEXANDRO-MICHAELE DENYAU,
Doctore Medico, Lectore & Professore Regio
veterano, Præside.

An opium Dysenteriae saluberrimum?

I.



ERA dysenteria, difficultas intestinorum, definitur dejectio sanguinis cum dolorificis torminibus, cui ulcus succedit, vel in gracilibus, vel in crassis intestinis: quod discernitur sensu doloris & excrementis varie tinctis. Gracilia intestina dejectiones oculis objiciunt longe à dolore, tenuiora apparent ramenta, cum sanguine fœcibus exacte permista. Crassa intestina sanguinem supernatantem cum adipe & ramentis spissioribus exonerant, cum doloris proximitate & frequenti egerendi cupidine. Sex res non naturales hunc affectum progenerant: aër nimirum hominis (συματοφύλαξ) stipator sæpe malignus, cibus & potus, ut panis rancidus, carnes putidæ, aqua stagni, vigiliæ immoderate, somnus inquietus, motus excessivus, durior equitatio

coctionem corrumpendo , ut & animi pathemata timor , tristitia , odium , edaces curæ , ira effrenis , importuna fames , & sitis extrema , quæ omnes causæ exsiccant viscera nutritia , calida & humida , quæ conformia expostulant auxilia.

II.

INTEMPERIES calida sicca hepatis sanguinem atrabiliarium corrodentem producit , qui continetur vel in venis vel in alvo : bilis quoque flava dysenteria causa est , sed levior & brevior ; aliquando pituita falsa in intestinorum anfractibus ea exulcerat & longior efficitur morbus , ob materiæ contumaciam. Pus etiam intestina corrodit & acris sanguis. Frigus pedum intestina refrigerando , bilem intus coercendo , dysentericum παῖς promover. Signa & symptomata ὁμώνυμα , συνώνυμα. Venter rugit cum torminibus , meiendi difficultas , sitis cum anxietate , febricula cum vomitu & difficili somno periculum portendunt. Pituitâ à capite in ventrem vi frigoris comprimētis defluente , plus vel minus falsâ & acri , ulcera in intestinis leviora aut profundiora nascuntur : quam ulcerum conditionem medicus rite inspiciat , ad medicinam recte administrandam. Ulcere incipiente pingua , continuante ramenta , penitus depascente propria intestinorum substantia putris & exesa procidit , unde mors , nox æterna. Translato humore vel διὰ μεταστάσιν , vel διὰ μεταπλάσιν ἢ ὑπερτέφης metus impendit καὶ παλινδυσμίας per refluxum humoris à parte nobili in ignobilem ; sive ab ignobili in nobilem , unde abcessus oriuntur.

III.

SI spectemus qualitates opii , operæ pretium est summâ prudentiâ illud exhibere. Quemadmodum vinum generosum immoderatâ quantitate cerebrum inebriando , somnum conciliat , sic opium plus justô sumptum nervos consopit. Omnia medicamenta , dosi violentâ , in venenorum classe numerantur. Ebrietas opium imitatur , estque interregnum rationis & insania voluntaria , quæ citam mortem affert parafitis , qui habent memoriam in ventre. Ut opio excessivè atque intempestivè exhibito , præcaveatur , tribus horis à sumpto illo excitetur æger à somno , jusculum pingue propinetur quo ejus vis præpediatur atque ligetur : attamen in cathartici

& cardiacis feliciter adhibetur. Quemadmodum feroces equi blandis poppymis debent demulceri, sic atroces affectus dulcibus, anodynis & oleaginosi sunt mitigandi. Venter chyliferos officina, Jecur bilis secretioni præsertim dicatum, cor sol microcosmi, liberalissimus sanguinis minister & munificentissimus spirituum vitalium dispensator, cerebrum intelligentiæ, sensus & motus divina metropolis, balsamicâ opii bonitate conservantur.

I V.

SÆP E numero ægrotantes, propriam hepatis substantiam adustam excernunt, unde *αἱματώδες* privatio, corporis marasmus, extremorum refrigerium, *σπληνίτις*, dejectiones ab atrâ bile lethales. In sanabili vero dysentericiâ tam potens est humidum radicale opii, ut partes placidâ quiete restauret & blando vapore nervosum genus repleat, unde somnus obrepit, à quo ex Galeno coctiones omnes non parum adjuvantur, corporis transpiratio promovetur, calorque natus fovetur, atque *ἐμπνοιαμία, ἐμπνοια πάντα, ἐπὶ πνοιαμία*, conspiratio una, consentientia omnia, confluxus unus. Sic salus humana feliciter progreditur ad Nestoreos annos admirabili opio vincendos & ad nos à miserando lethi genere solvendos. Heroum sanantium præsidium ab iis propriâ manu infirmis exhibitum fuit, ne scelestissimorum virorum consciâ conscientiam, multum fraudis superveniat.

V.

AB Indis ad nos advehitur opium, purius à Turcis reservatur, impurum (quod meconium vocamus) nobis venditur, quod aceto stillatio præparatur, ad emendendam (ut aiunt) malignitatem, quin imo eam adaugent, partes quasdam à quibus aliâ contemperantur, separando. Semper illud exhibui absque præparatione felicissimo cum successu. Sarmatæ, Scythæ, Græci, Arabes ab opio non offenduntur: capita papaverum his in terris ob solis perpendicularem aspectum suavissima gustui, odore suavissimo fragrantia comeduntur, eâ ratione ab iis populis impunè devoratur opium. Ab orthodoxo medico præscriptum, tanquam naturæ balsamum, præstantissimum dysentericis Alexipharmacum laudatur. Inte-

4

rim vires ægrotantis morbi diuturnitate frangerentur , nisi euchymis alimentis , ut ovis tremulis , crassis , longis , recentibus , testâ albis refocillarentur , non omisiss succis carniû sive elixarum , sive tostarum , ut caponum , perdicum , phasianorum , pavonum & vervecum. Sed cum dolor , qui motus est asper & inæqualis à sensibus alienus , asperrimus in dysenteria torqueat , sedandus est , quod opium ad granum unum horâ somni exhibitum , tormento intestinorum cruciatis , tutò , citò , & jucunde præstabit.

Ergo opium Dysenteria saluberrimum.

Domini Doctores disputaturi.

M. Jacobus Simon Gilles de la Riviere.

M. Jacobus Minor , Serenissimi Ducis Borbonii Medicus ordinarius.

M. Henricus Mabieu, Regina Dataria Polonorum primarius Medicus.

M. Ludovicus Lemery, Scholarum Professor , è Regiâ scientiarum Academia.

M. Joannes Gaillard.

M. Claudius Guerin.

M. Petrus le Tonnellier.

M. Mattheus Dionysius Fournier.

M. Ludovicus Morin, Regiâ scientiarum Academia socius.

Proponebat Parisiis PHILIPPUS FONTAINE,
Bellovacensis , Baccalaureus Medicus. A. R. S. H. 1703.

Apud Viduam Francisci Muguet, Regis & Facultatis Medicinæ Typog.